



Lars Färber è da nov en suprastanza da la Federaziun grischuna dal sport da tir.

FOTOS G. N. STGIER



Giast dals tiradurs a Falera è er stà divisiunari Lucas Caduff.

Biro administativ per la federaziun

Federaziun grischuna dal sport da tir

DA GION NUTEGN STGIER / ANR

■ **Tar la radunanza da delegads a Falera ha la federaziun mess intgins terms per l'avegnir. Ils 140 delegads da las uniuns da tir han decidì senza discussiuns d'introduir in biro administativ per la federaziun.** A Falera èn sa reunids ils delegads da la Federaziun grischuna dal sport da tir per la radunanza annuala 2018. *Carl Frischknecht*, dapi in onn president da l'uniun, è sa mussà ventiraivel da la preschientscha da *Martin Aebli*, il president dal cussegl grond, da cusseglier guvernativ *Christian Rathgeb* e lura er da *Lucas Caduff*, divisiunari e cumandant da la Zona territoriala 3. Lur preschientscha ed er quella da numerus auters represchentants da la politica naziunala e chantunala conferma l'attachadadad envers il tir ed ils tiradurs, ha menziunà Frischknecht. Per l'organisa-ziun da l'occurrenza è stada responsabla l'Uniun da tir Laax-Falera cun il presi-

dent *Rumetg Cathomen*. Enromà musicalmain la radunanza ha la Musica instrumentala Falera sut la direcziun da *Duri Cathomen*.

Pli datiers a la basa

En ses emprim onn sco president haja el cun la suprastanza fixà intginas finamiras strategicas, ha ditg il president dals tiradurs grischuns. Rinforzar, e lura er agiuntar las structuradas da la federaziun sajan stadas vairas sfidas e chaschunian er vinavant blera lavur. Da gronda impurtanza saja er stà per el la vischinanza tar la basa, tar las uniuns e tar ils tiradurs, ha punctuà Frischknecht. Ina finamaira saja er d'avair en il futur financialmain ina federaziun sauna. Sco president d'ina uniun cun 5000 commembers e da quels tuttina 2600 cun ina licenza saja ses pensum da s'engaschar pli ferm per la direcziun ed ils contacts che per l'administra-ziun, ha ditg il parsura da la Federaziun grischuna dal sport da tir.

Nov regulativ da spesas

Il november 2017 aveva l'uniun, che reunescha ils tiradurs grischuns, infurmà ils presidents da las societads da tir pertutgant in nov regulativ da spesas e l'augment da la contribuziun annuala. A Falera ha il cussegl da tir approvà il nov regulativ e sissur han er ils delegads acceptà quel, senza discussiuns. Tar las spesas munta quai in augment da custs dad 11 000 francs. Ditg cler gea è er vegnì a l'introducziun d'in biro administativ per la la Federaziun grischuna dal sport da tir cun custs supplementars dad 11 000 francs. Omaduas expensas supplementaras èn pussaivlas da far grazia a l'augment tar ils custs da la licenza per in tiradur. Cun far quellas midadas è er vegnì fatg in bun fundament per l'avegnir e cunzunt er per la recrutaziun da persunas per la suprastanza da la federaziun. Ultra da quai è er vegnì introducida ina cumissiun che s'occupescha cun las

novas medias socialas e cun il sponsoring per l'uniun.

Sin buna via

Da nov èn suprastanza da l'uniun è vegnì elegì *Lars Färber* (Favugn). El surpiglia la nova partiziun arma 10 meters. Accettads èn er vegnids tuts ils affars statutarics cun la paisa rapport annual e finanzas. Sin buna via saja l'organisa-ziun da la 25. Festa da tir chantunala 2018 en Surselva. Quai ha ditg *Marcus Caduff*, il president dal comité d'organisa-ziun. Fin oz sajan passa 7000 tiradurs s'annunziads, ha el ditg cun plaschair. Sin la distanza da 300 meters sajan anc paucs rangeurs libers, dentant sin las distanzas da pistola ed arma 50 meters saja avant maun anc avunda capaciad.

Bler laud per ils tiradurs

A pled è er vegnì *Martin Aebli*, il president dal cussegl grond. En Svizra sco er en il Grischun haja il tir ina gronda im-

purtanza, ha el ditg. Gist en il temp modern dad oz dovri urgent organisa-ziuns sco las uniuns da tir, ha punctuà il pli aut politicher grischun. Per l'armada sajan ils tiradurs da gronda valur, ha ditg cusseglier guvernativ *Christian Rathgeb*. El ha er ditg che la Svizra na dovria betg la nova lescha d'armas tenor las normas da l'UE. *Wendelin Casutt*, il president communal da Falera, ha lur fatg attent a la tradiziun da las uniuns da tir en Surselva ed er a la muntada sociala da quellas, sco da las autras uniuns er. En Surselva haja il tir dapi decennis ses post fix. Er il tir dovra bunas cundiziuns fundamentalas, per quellas saja dentant la politica responsabla, ha menziunà il pur e president da vischnanca. En il sistem da segirezza svizzer ed er en l'armada sajan ils tiradurs cun lur experientscha ina ferma pitga, ha accentuà divisiunari *Lucas Caduff*. El ha er ditg ch'en l'avegnir restia il tir obligatoric ed il medem valia er per il Tir cham-pesther.